

CYNGOR SIR YNYS MÔN	
Adroddiad i:	Pwyllgor Gwaith a'r Cyngor
Dyddiad:	Y Pwyllgor Gwaith - 8 Medi 2014 Y Cyngor - 9 Hydref 2014
Pwnc:	Rheoliadau Rheolau Sefydlog Newydd
Aelod(au) Portffolio:	Y Cyngorydd Alwyn Rowlands
Pennaeth Gwasanaeth:	Lynn Ball Pennaeth Swyddogaeth – Busnes y Cyngor / Swyddog Monitro
Awdur yr Adroddiad:	Awena Walkden
Rhif Ffôn:	Est. 2563
E-bost:	apxce@ynysmon.gov.uk
Aelodau Lleol:	Dim

A – Argymhelliad/Argymhellion a Rheswm/Rhesymau

Argymhellion

Mae'r Pwyllgor Gwaith yn argymhell bod y Cyngor yn:

1. Nodi cynnwys y Rheoliadau Awdurdodau Lleol (Rheolau Sefydlog) (Diwygiad) (Cymru) 2014 ("Rheoliadau 2014").
2. Cyfarwyddo'r Swyddog Monitro i newid y Cyfansoddiad i adlewyrchu'r newidiadau sydd raid wrthynt i sicrhau bod y Cyfansoddiad yn gyson gyda Rheoliadau 2014 fel y manylir yn yr Adroddiad hwn. Mae Rheoliadau 2014 yn gwneud newidiadau i Reoliadau Awdurdodau Lleol (Rheolau Sefydlog) (Cymru) 2006 ("Rheoliadau 2006") o ganlyniad i newidiadau a gyflwynwyd gan Fesur Llywodraeth Leol (Cymru) 2011. Mae'r newidiadau hynny wedi eu disgrifio yn yr Adroddiad hwn.

Rhesymau

3. Yn gryno, mae Rheoliadau 2014 yn newid Rheoliadau 2006 mewn perthynas â'r broses ar gyfer penodi, diswyddo a chynnal ymchwiliadau disgyblu yn erbyn swyddogion penodol. Mae Rheoliadau 2014 hefyd yn cynnwys dyletswydd newydd o ran penderfynu lefel y tâl i Brif Swyddogion sydd wedi eu ddiffinio dan Reoliadau 2006 fel y Prif Weithredwr, Dirprwy Prif Weithredwr, Cyfarwyddwyr, Swyddog Adran 151 a'r Swyddog Monitro.
4. Dan Reoliadau 2014, mae rôl y Pennaeth Gwasanaethau Democrataidd yn cael yr un statws â'r Pennaeth Gwasanaeth Taledig (Prif Weithredwr), y Swyddog Adran 151 a'r Swyddog Monitro, mewn perthynas â'r broses y mae'n rhaid i'r Cyngor ei dilyn i gynnal unrhyw ymchwiliad disgyblu a chymryd unrhyw gamau disgyblu. Bydd hyn yn golygu newid y Cylch Gorchwyl ar gyfer y Pwyllgorau Disgyblu ac Ymchwilio er mwyn cynnwys

rôl y Pennaeth Gwasanaethau Democrataidd fel un sy'n dod o fewn eu maes gwaith.

5. Yn ogystal â chynnwys swydd y Pennaeth Gwasanaethau Democrataidd fel swydd statudol gyda diogelwch cyfreithiol uwch, mae Rheoliadau 2014 hefyd yn golygu y bydd angen gwneud newidiadau i'r Cylch Gorchwyl ar gyfer Pwyllgor Penodiadau'r Cyngor i gynnwys swydd y Pennaeth Gwasanaethau Democrataidd o fewn ei faes gwaith.
6. Yn unol â Rheoliadau 2014, os yw Prif Swyddog yn derbyn tâl o £100,000 neu fwy mae'n rhaid hysbysebu'r swydd yn gyhoeddus. Yr unig eithriad i hyn yw os bydd penodiad yn cael ei wneud am gyfnod na fydd yn hwy na 12 mis.
7. Mae Rheoliadau 2014 hefyd yn gwneud darpariaethau ychwanegol mewn perthynas â thâl Prif Swyddogion. Bydd raid i unrhyw benderfyniad i osod neu amrywio tâl Prif Swyddog gael ei wneud gan y Cyngor llawn; ac mae gwahrdiad penodol ar ddirprwyo.

Goblygiadau ariannol

Nid oes gan y materion yn yr Adroddiad hwn unrhyw effaith ariannol uniongyrchol.

B – Pa opsiynau eraill wnaethoch chi eu hystyried a beth oedd eich rhesymau dros eu gwrthod ac/neu ddewis yr opsiwn hwn?

Mae'n rhaid gweithredu'r Rheoliadau hyn ac nid oes unrhyw opsiynau eraill.

C – Am ba reswm y mae hwn yn benderfyniad i'r Pwyllgor Gwaith?

Oherwydd y bydd gweithredu'r Rheoliadau yn arwain at newidiadau yn y Cyfansoddiad – newidiadau na all y Cyngor eu cymeradwyo heb iddynt gael sylw yn gyntaf gan y Pwyllgor Gwaith.

CH – A yw'r penderfyniad hwn yn gyson â'r polisi a gymeradwywyd gan y Cyngor llawn?

Ydi

D – A yw'r penderfyniad hwn o fewn y gyllideb a gymeradwywyd gan y Cyngor?

Ydi

--

DD – Gyda phwy wnaethoch chi ymgynghori?		Beth oedd eu sylwadau?
1	Prif Weithredwr / Uwch Dim Arweinyddiaeth (UDA) (mandadol)	
2	Cyllid / Adran 151 (mandadol)	Cyd-awdur yr Adroddiad – felly mae'r sylwadau wedi eu cynnwys yma
3	Cyfreithiol / Swyddog Monitro (mandadol)	
4	Adnoddau Dynol (AD)	
5	Eiddo	
6	Technoleg Gwybodaeth Cyfathrebu (TGCh)	
7	Sgriwtini	
8	Aelodau Lleol	
9	Unrhyw gyrff allanol / arall/eraill	

E – Risgiau ac unrhyw gamau lliniaru (os yn berthnasol)	
1	Economaidd
2	Gwrthdodi
3	Trosedd ac Anhrefn
4	Amgylcheddol
5	Cydraddoldebau
6	Cytundebau Canlyniad
7	Arall

F - Atodiadau:
Dim

FF - Papurau Cefndir (cysylltwch os gwelwch yn dda gydag awdur yr Adroddiad am unrhyw wybodaeth bellach):
<ol style="list-style-type: none">1. Gorchymyn Rheolau Sefydlog Awdurdodau Lleol (Cymru) (Diwygiadau) 20142. Memorandwm Eglurhaol ar gyfer Rheoliadau Awdurdodau Lleol (Rheolau Sefydlog) (Cymru) (Diwygiad) 2014